

01

《夏日诗》

曹丕

夏时饶温和，避暑就清凉。
比坐高阁下，延宾作名倡。
弦歌随风厉，吐羽含徵商。
嘉肴重叠来，珍果在一傍。
棋局纵横陈，博弈合双扬。
巧拙更胜负，欢美乐人肠。
从朝至日夕，安知夏节长。

02

《玉阶怨》

谢朓

夕殿下珠帘，流萤飞复息。
长夜缝罗衣，思君此何极。

03

《林下作妓诗》

萧统

日斜下北阁，高宴出南荣。
歌清随涧响，舞影向池生。
轻花乱粉色，风筱杂弦声。
独念阳台下，愿待洛川笙。

04

《和湘东王首夏》

萧纲

冷风杂细雨，垂云助麦凉。
竹水俱葱翠，花蝶两飞翔。
燕泥衔复落，鶺鴒吟敛更扬。
卧石藤为缆，山桥树作梁。
欲待华池上，明月吐清光。

05

《夏夜独坐》

萧子范

节序值徂炎，兹宵在三伏。
凭轩伫凉气，中筵倦烦燠。
寂寞对空窗，清疏临夜行。
虫音乱阶草，萤光绕庭木。
帘月度斜辉，风光起馀馥。
一伤年志罢，长嗟逝波速。

06

《采莲曲》

吴均

江风当夏清，桂楫逐流萦。
初疑京兆剑，复似汉冠名。
荷香带风远，莲影向根生。
叶卷珠难溜，花舒红易倾。
日暮舫舟满，归来度锦城。

07

《夏日》

徐拙

夏景厌房栊，促席玩花丛。
荷阴斜合翠，莲影对分红。
此时避炎热，清樽独未空。

08

《莲调诗》

祖孙登

长川落照日，深浦漾清风。
弱柳垂江翠，新莲夹岸红。
船行疑泛迥，月映似沈空。
愿逐琴高戏，乘鱼入浪中。

09

《初夏》

李世民

一朝春（初）夏改，隔夜鸟花迁。
阴阳深浅叶，晓夕重轻烟。
哢鶯犹响殿，横丝正网天。
珮高兰影接，绶细草纹连。
碧鳞惊櫂侧，玄燕舞檐前。
何必汾阳处，始复有山泉。

10

《奉和夏日晚景应诏》

杨师道

輦路夾垂楊，離宮通建章。
日落橫峰影，雲歸起夕涼。
雕軒動流吹，羽蓋息迴塘。
薙草生還綠，殘花落（疎）尚香。
青巖類姑射，碧澗似汾陽。
幸屬無爲日，歡娛尚（方）未央。